

## Drøftingsgrunnlag dag 1.

### Sak 8-20 Regionalt samarbeid

#### Saksopplysning:

I Hallingdal er me gode på regionalt samarbeid. Likevel har fleire kommunestyre bedt om at regionalt samarbeid blir sett opp som tema i Regionråd/Hallingting. Det har spesielt vore fokus på interkommunale arbeidsplassar, men me ser at det regionale samarbeidet er utfordra på fleire område. Ferske eksempel på dette er helsesamarbeidet, intermediæravdelinga på sjukestugu, brannvesen, forlikråd og revisjon.

Interkommunalt samarbeid, funksjonsfordeling og oppgåvefordeling mellom kommunar har vore drøfta i Regionrådet tidlegare: I SAK 04/01 FUNKSJONSFORDELING, vart det fatta slikt vedtak

#### Vedtak:

*Funksjonsfordeling mellom kommunane skal byggje på følgjande prinsipp:*

*Regionale samarbeidstiltak skal ha eit differensiert lokaliseringsmønster etter ei oppgåvefordeling mellom kommunane, basert på friviljuge og forpliktande samarbeidsavtalar. Funksjonsfordelinga må byggje på prinsippet om kompetanseutnytting og gi kommunane ei kjensle av – direkte eller indirekte – å ha nytte av samarbeidet. Dette gjeld både den einskilde kommune og Hallingdal som region. Alle kommunane må vera viljuge til å ta sin del av kostnaden med fellestiltak, men alle må og akseptera at ei funksjonsfordeling aldri vil bli heilt "rettferdig".*

*Offentlege servicetiltak (statlege og fylkeskommunale) som har heile regionen som kundegrunnlag og som skal ha eitt hovudkontor i Hallingdal, bør i utgangspunktet lokalisera til Gol som geografisk knutepunkt i dalen. Dersom ei kommune har eit spesielt utgangspunkt når det gjeld oppbygd kompetanse, bør framtidige statlege og fylkeskommunale distriktskontor vurderast lagt til vedkomande kommune. Der det allereie er etablert offentlege servicetiltak i ein kommune, skal ein rå til at denne lokaliseringa blir oppretthalde. Det viktigaste er at dei regionale statsetatane framleis får tilhald i Hallingdalsregionen.*

*I kvar kommune må det vera eit servicekontor som skal tena kundegrunnlaget lokalt og brukarane sine behov i den einskilde kommune. Desse servicekontora vil kunne omfatte både kommunale, statlege og fylkeskommunale tenester.*

Interkommunalt samarbeid har fleire funksjonar enn å bidra til kommunal oppgåveløysning og tenesteproduksjon. Det kan dreier seg både om utvikling av kommunale tenester, om læring og erfaringsutveksling, om samhald og felles forståing om rekruttering og reduksjon av sårbarheit fordi me kvar for oss er små.

Det er likevel ulike syn på regionalt samarbeid, kva nytte den enkelte kommune har av samarbeidet, finansiering, lokalisering, kva effekt samarbeidet kan ha på rekruttering osv. Me ønskjer å sette fokus på regionalt samarbeid ved å:

1. Sjå på historia, kva har me fått til og kva har vore suksessfaktorane.
2. Ta ein gjennomgang av regionale samarbeidsområde i dag.
3. Drøfte framtidig samarbeid i Hallingdal. Aktuelle tema kan vera:
  - Kva ønskjer me å oppnå ved regionalt/interkommunalt samarbeid?
  - Kva skal (må) me samarbeide om og kva skal me ikkje samarbeide om.

- Kva vil det seie at Hallingdal er ein bu og arbeidsregion?
- Har administrasjon og politisk nivå ulik haldning til regionalt samarbeid og effektane av det?
- Er regionalt samarbeid eit steg på vegen til kommunesamanslåing eller er det det som skal til for å halde på dagens kommunestruktur?
- Korleis kan små fagmiljø styrkast og regionalt samarbeid organiserast slik at me i framtida kan ha meir fokus på effektane av samarbeidet og mindre på lokalisering?
- Er det grunnlag for å prinsippa frå vedtaket i 2001?

Dette er store og komplekse spørsmål. Fram mot Hallingtinget kan det hende me skal justere og spisse problemstillinga noko. Drøftinga i sak 8 har direkte samanheng med SAK 9-20

**Forslag til vedtak:**

Saka vert lagt fram utan innstilling

Hallingdal, 21. okt 2020

Jan Olav Helling  
Dagleg leiar